

影刊宋金元明本詞

第八冊

蘇子瞻  
知覺  
PDG

重校鶴山先生大全文集卷之九十四

長短句

和孫蒲江 上元詞

又見王正班玉瑞霽月光風恰與元宵際橫玉一聲  
天似水陽春到處皆生意十載奔馳今我里昔元  
非未信今皆是風月惺惺人自醉却將醉眼看榮悴  
虞永康 剛簡 所築美功堂于城南以端午落  
成唐涪州賦水調歌即席次韻

江水自石紐灌口怒騰輝便如黑水北出迤邐到三  
危百尺長虹夭矯兩岸蒼龍偃蹇翠碧互因依古樹  
百夫長脩竹萬竿旗畫堂開風與月巧相隨史君

領客行樂旌燾立披披慨想二江遺蹟更起三閭忠  
憤此日最爲宜推本美功意禹甸六章詩

張茶馬

生日

六月十八日

輕露瀟殘暑蟾影揮高寒團團只似前夕持向老萊  
看九袞元開父筭六甲更逢兒換梧竹擁檀欒都把  
方寸地散作萬雲煙錦邊城雲間戍雪中山風流  
老監在此憂顧賴渠寬天上玉顏含笑堂上酡顏如  
酒家國兩平安又恐玉川子茗椀送飛翰

楊崇慶

熹生日

風露浸秋色煙雨媚湖弦旌旗十里小隊擬約醺壇  
僊身在黃旗朱卽名在玉皇香案底事箇人傳正恐

未免耳驚攬日高眠 虎分符龍握節鹿銜轡於君  
本亦餘事所樂不存焉一點春風和氣無限藍田種  
子渺渺玉生煙富貴誰不有借問此何緣

趙運判

師芳

生日

萬里蜀山險難似上青天誰知閒有人心之險甚山  
川賴得皇華星使滿載春風和氣來自鑑湖邊要識  
方寸地四十萬雲煙 佩瓏璫冠冕爛組蟬聯眼前  
富貴餘事所樂不存焉聞道漢家子政博考蘭臺載  
籍胷次着千年會有太一老同結海山緣

廣漢士民送別用韓推官韻爲謝

萬人遮道撥不斷爭挽房湖逐客臣罪旣盈應九死

全荷君王矜惻況是當年曾將愚技十字街頭立恩  
波浩蕩孤忠未報涓滴 世事應若穿楊一弦不到  
前發皆虛的自判此生元有分不管筮違龜食靴帽  
叢中漁樵席上無入非吾得倚湖一笑夜深羣動皆息

杜安人生日

九十秋光三十八新居初度稱觴青衫綵服列郎娘  
孫枝無處着猶欠兩東床 盡是當年親手種如今滿  
院芬芳只憑方寸荅蒼蒼箇中無盡藏誰弱又誰彊

送嘉甫弟赴眉山

細雨斜風驅曉瘴綽開坦坦長途膏車秣馬問程初  
梅梢迎候騎鴈影度平蕪 行已不論官小太窮探

不間精粗只從厚處作去聲規模簡編迂事業屋漏拙功夫

和閻廣安

感皇恩韻

三峽打頭風吹回荆步坎流行謾隨遇須臾風靜重  
踏西來舊武世間憂喜地分明覩喜事雖新憂端  
依舊徒爲岷我且懽舞陰雲掩映天末扣閭無路一  
鞭歸去也鷗爲侶

登白鶴山借前韻呈同遊諸丈

闌風長雨連霄昨朝晴色隨軒驟松聲花氣江煙浦  
樹如相迎候山送青來僧隨麥去山爲吾有更櫓  
直上薜蘿深處雲垂幄蘚成甃未至相如獨後對

山尊勸醅多又記曾犯雪重來已是綠肥紅瘦好語  
時聞憂端未歇倚風搔首謾持觴自慰冰山安在此  
山如舊去冬來時  
作無恙也

次韻西叔兄詠蘭

玉質金相長自守間庭閤室對黃昏月冷朦朧霧淥  
知我者希常我貴於人不即而人即彼云云謾自怨  
靈均傷蘭植屈平子建憤世之不見知離騷常以蘭  
自況而子建亦謂秋蘭可喻桂樹冬榮  
鷦鴂亂春芳寂絡緯叫池英摘惟國香耐久素秋同  
德既向靜中觀性分偏於發處知生色待到頭聲臭  
兩無時真聞識

吳制置獵生日

世界要扶助人物載耆英茫茫四海誰識今代有厖  
臣萬頃青湖佳氣一片紫巖心事天付與斯人聳聳  
鐵冠吏表表白雲卿海沮漳城漢郢宅峨岷規摹  
妙處曾次納納幾滄瀛未說令公二紀先看武公百  
歲年與學俱新星弁百僚準天宇四時春

和黃侍郎

疇若

見貽生日韻

萬里載浮名憶昔從容下帝京冉冉七年如昨夢分  
明贏得存存夜氣清誰使濫專城有罪當誅尚薄  
刑細數當時同省士皆卿落落韶陽獨九齡

張致政

生日

冬至子之半玉筯鐔微陽壺中別有天地轉覺日增

長一樣金章紫服一樣朱顏綠髮翁李儼相望翁是  
修何行未已且方將玉生煙蘭競秀絲成行翁無  
他智只把一念蒼蒼蒼今日列城桃李他日公荒雨  
露都是乃翁莊要數義方訓不說竇家郎

楊子有

德輔

母夫人生日

尚憶去年稱壽日綵衣猶帶天香今年還見鴈成行  
兩頭娘子拜笑領伯仁觴知是幾年培植底如  
今滿院芬芳只憑方寸蒼蒼蒼春風來不斷點綴艷  
陽粧

婦生朝李倅

同其女載酒爲壽用韻謝之

曾向君王談臣願守嘉州風流別乘初屈元在越王

樓湖上龜魚何事橋上鴈犀誰使爭挽海山舟便遣  
舊姻婭解后作斯遊 晚風清初暑漲暮雲收公堂  
高會恍疑僊女下羅浮好是中郎有女況是史君有  
婦同對藕花洲擬把鶴山月換却鑑湖秋

張邛州

師夔

生日

腰着萬釘犀玉夸肘垂斗大金章非關性分揔尋常  
要知真樂處綵服鬢毛蒼 浩蕩春風生玉樹蒸  
成滿院芬芳斗城無處着韶光會歸天上去長捧伯  
仁觴

趙運判

師芳

生日

四月十一日

有匪碧巖使滿腹鑑湖秋不居上界官府來作散僊

遊長珮高冠人偉組練錦袍官貴清獻舊風流杓柄  
長多少洗盡蜀民愁 鷓鴣冠貂尾案驚鷺輶時來  
正恐不免留滯劒南州簾捲西州風雨庭竚百城歌  
鼓桃李翠雲綢誰謂蜀山遠只在殿山頭

張總領

生日

家住峨山趾暑風輕雙泉漱玉五坡攢翠坡上主人  
歸無計夢泛滄波清泚曾拜奏前旒十二願上皇華  
將親去及翁兒未老相扶曳乘欵段過閭里璽書未  
報人相謂倚西風胡塵漲野隱憂如蝟就似東門賢  
父子祇恐榮親猶未待洗盡岷峨憔悴把手中長  
杓柄爲人荒更作無邊施却上表乞歸侍

管待李眉州

勸酒

十載文盟可重尋  
賸於棠蔕細論心  
雲障晚日供秋思  
風遞荷書作晚陰  
紆勝引豁塵襟  
未須紫馬去  
駸駸玻瓈無計留  
君住但乞天公三日霖

管待李參政

壁勸酒

落日下平楚  
秋色到方塘  
人間袞暑難耐  
獨有此清涼  
龍卷八荒霖雨  
鶴闕十州風露  
面薄水雲鄉  
欲識千里潤  
記取玉流芳  
石蘭衣江蘿  
佩芰荷裳  
箇中自有服媚  
何必錦名堂  
吸取玻瓈清  
漲喚起逍遙舊  
夢人物儼相望  
矯首望歸路  
三十六虛皇

管待楊伯昌

子謨勸酒

獨立西風裏渺無塵明河掛斗碧天如洗鳩鵲樓前  
迎風處吹墮乘槎星使弄札札機中巧思織就天孫  
雲錦段尚輕陰未閣留纖翳親爲挽天潢水等閒  
富貴浮雲似須存留幾分清論護持元氣曾把古今  
興亡事奏向前旒十二雖玄國言猶在耳念我獨兮  
誰與共謾凝思一日如三歲夜耿耿不皇寐

李提刑冲佑<sub>至</sub>生日

溥露浸秋色零雨濯湖弦做成特地風月管領老臞  
仙鴈落村間杯影魚識橋邊拄杖慮澹境長偏祇恐  
未免耳驚攪日高眠龍握節貂插案鹿銜轡於公  
元只餘事所樂不存焉手植藍田種子無數堦庭成

樹鬱鬱紫生煙富貴姑勿道借問此何緣

王總領

生日

八月六日

輕露瀟殘暑哉魄擬初弦天台萬八千丈中有紫霞  
僊正理中樞舊武却憶鄰環昨夢重上蜀青天只守  
伯禽法駟野萬雲煙錦川星郎位宿又移躔爲無  
結輩十數踏遍蜀山川人識紹興奉使家有顯謨科  
約慧命得公傳從此造朝去兩地亦青氈

利路楊憲

熹生日

歲歲爲公壽著語不能新自公持節北去我亦有遐  
征坐我碧瑤洞府被我石楠嘉蔭冰柱向人清待屈  
西風指王事有期程我嘗聞由漢水達河津癡牛

騃女會處應有汎槎人便向漢川東畔直透銀河左  
界去上白雲京袖有傳婿研我欲丐餘芬

送張總領

知年來幾番拜疏但言歸去歸去問歸有底忽忙事  
得恁陳情良苦天未許將花綬藻衣爲插儀庭羽掉  
頭不顧念白髮翁兒本來天分不是折腰具從頭數  
多少漢庭簪組滔滔車馬成霧爭如祖帳東門外父  
子縹緲高舉我眉下有幾許湖山無着春風處留君  
不住但遠景樓前追陪杖履莫忘却別時語

和趙黎州

陪李參政壁遊醴泉西園

沙堤除道火成城換得午橋清寒色般添酒令野芳

抵當鋤羹 松磬花氣岸容山意浦思溪情誰記一時勝引坐中喜得間平

李參政壁生日十一月二十四日

曾記武林日歲上德星堂相君襟度夷雅容我少年  
狂輦路外平風月禁陌清時鍾鼓催子須反撮口也送紫霞  
觴回首十年事解后衮衣鄉古今夢元一轍謾千  
場紛紛間較目睫誰解識方將霜落南山秋實風卷  
北鄰夜燎世事正匆忙天意那可問只願善人昌

送袁黎州枏

曉色曨昽雲日澹綽開坦坦長途西寧太守問程初  
梅梢迎候騎柳樹困平蕪九折卽峽渾可事不妨叱

馭先驅平平豈是策真無撫摩迂事業細密鈍功夫

安大使丙生日

人物正寥闊有美萬夫望七年填拊方面帷幄自金  
湯千尺玉龍銜詔六尺寶勒照路載績滿旂常富貴  
姑勿道難得此芬芳 嘗試看今古夢幾千場人情  
但較目睫誰解識方將霜落南山秋實風卷北鄰夜  
燎世事正匆忙海內知公者只願壽而臧

上元放燈約束妓前燈火

怪見江鄉文物地輕豪爭逐春妍銀花斜鞦紫金鞭  
千燈渾是淚一笑不論錢 今歲遨頭窮相眼繁華  
不學常年只余底事索人憐詩書真氣味農扈老風煙